



Орган Лемковского "Союза."

Выходит в каждый четверг.

Редакция и администрация в Крынице. — Адрес „Лемко“ Крыница.



Пренумерата в краю:

50 грошей місячно,
2,50 зл. полрочно,
5 зл. рочно.

В Америці: 1 дол. полрочно,
2 дол. рочно.

В Чехословакии:
3 кор. місячно, 15 кор. полрочно,
30 кор. рочно.

Контото чекове Нр. 404.155.

Арестованє проводыров революционистов и виновников убийства в Марсылли.

По убийстві короля Александра и министра Варту праві всі державы европейскы, а особливо Франция и Югославия старали ся о того, штобы арестовати виновников убийства и открыти их организаторов и прово-

дыров. Стараня тоты вичали ся добрым результатом. До того часу арестовано в Италии Д-ра Павелича, Кватерника и Марию Вондрачек, котрых уважают за проводыров революционистов и организаторов убийства,

а также Поспишиля, Райтича и Мио Краймального, котры помагали Георгиеву-Черноземскому в убийстві.

С групы той находят ся ище на свободі Перчек, Мио Бзик и еден о незнамом назвиску.

Смерть убитого короля не змініт політыкы в Югославии.

Югославский председател рады министров Маунович заявил представителям газет, же регенция поручила ему утворити нове правительство с людей, котры без всяких застережень годят ся на політыку, ведену до того часу. Основом той політыкы ест: монархия, династия карагеоргиевичей, народне единство, существующа конституция и организация югославской державы единой и неподільной.

В отношениях медженародных має быти ведена політыка мира, основана на удержаню границ усталеных мирными трактами.

Венгерский председател рады министров в Варшаві.

Дня 19, желтня приехал до Варшавы венгерский председател рады министров Гембеш. От границы польско-венгерской товаришили ему посол венгерский в Варшаві мин. Матука и делегат министерства закордонных діл Александер Лубенский. Визита тота хоц не має на ціли заключения важных політычных договоров, не остане, по словам газет, без вліяня на дальший ход політыкы в Европе Средной и Выходной.

ПОМІЩАЙТЕ
ОГОЛОШЕНЯ
В ГАЗЕТІ „ЛЕМКО“.

Податок от неженатых.

Недавно рознесла ся вість, што правительство намірат ввести оплату за науку в школах народных. В тотчас то репрезентация учителей, поддала мысль, штобы не накладати не родичей оплат за науку, лем расписати нову внутренну позичку на школьнны ціли. Правительство не згодило ся на оголошене новой позичкы, але уж слідуячого дня появила ся вість, же на потребы школ буде введеный новый, до того часу в Польщі незнанный

податок от неженатых.

Податок тот має быти введеный в найблизшом часі. Проект того податка повстал уж давно. Група, котра выступила с тым проектом, ест того мніня, што люди женаты старіют ся скорше от неженатых, и маіют векши выдаткы, котрых боят ся часто мужчины и не женят ся.

Яко примір взято в том случае Италию, где податок тот ест дост высокий. В літах от 25—35 платит ся 33 лиры місячно, от 35 до 55—50 лиров, а от 55 до 65—25 лиров місячно. Початково преектовано оподатковати также бездітны супружества, але отступлено от того намірена. Тот податок має быти введеный от нового року.

Податком тым утішат ся напевно наши дівчата, бо рестут их виды выйти за муж.

Арестованє 250 комунистов во Відні.

В послідних днях геворено упорно о том, што австрийскы комунисты приготавлиют ся до револьты. Правительство выдало остры зарядження для тых місцевостей, в котрых уявили ся комунистичны вліяня и арестовало в Відні 250 комунистов.

Также в других місцевостях переведено ряд ревизий в комунистичных осередках.

Горілка буде сильнійша.

Пиво можна буде продавати в каждом склепі.

Рада министров предложила до подписаня Президентови Річипосполитой декрет, котрый вводит великы зміны в переписах о спиртном монополю и в продажі алькогольовых напитков.

Горілка має містити в собі не 45, а 55 процент алькоголя, Пиво без взгляда на вмістимость алькоголя можна буде продавати каждому, буде лем введеный обовязок реестрации.

Має быти также увеличене число місц продажи алькогольовых напитков и уменьшене отдалене одиного вышинка от другого.

Торговельный договор німецко-японский.

Агенция Гаваса подае, што Німеччина и Япония заключили медже собом торговельный договор, в силу котрого Япония має доставати рочно от Німеччины муницию и хемичны продукты. На основі того договора має выхати в новом року до Японии 500 летчиков и инжинеров німецких.



Процес о крадеж перед судом в Кракові.

В Живци начальник Скарбового Уряда Рудольф Кондзьолка и урядники Войцех Сухонь, Зыгмунт Зузяк, Тадеуш Тычковский и Зыгмунт Дембовский поберали податки от людей и не втігали их до книг, ани грошей не от проваджали до касы. Таким способом Скарб понес шкоду на 48.000 злотых. Суд в Вадовицах засудил их на 1 до 7 літ тюрмы, але они не приняли выміреной им кары и тепер веде ся против ним росправа перед апеляційным судом в Кракові.

Революция в Испании.

Згвєтєна в Испании революция мала перебіг жестокий. Революционеры бороли ся так завзято, што войско долгий час не могло згвєсти революции. В самой Астурии обчисляют число убитых на перешло 2.500 людей. В боях по стороні революционеров брали участь также женщины и діти. Тюрмы переполнены сут арестованыма революционерами, много с них розстріляно.

Розбиты переговоры медже польськыма соціялистами и комунистами.

От кількох неділь вели польскы соціялисты переговоры с комунистами, штобы утворити оден фронт против фашистской партии. Такы самы переговоры вели комунисты с жидовском соціялистичном партиом „Бунд“. Переговоры тоты дерервано, бо оказало ся, што величезны ріжницы програмовы соціялистов и комунистов выкаючают сотрудничество тых двух груп.

В часі тых переговоров полиция арестовала комунистичных делегатів за безправну діяльність. Тепер назначено процес в Варшаві против двом делегатам комунистичным.

Помоч правительства при управі лєну.

Министерство Рольництва и Реформ рольных пришло до переконаня, што найліпшом заохотом до увеличеня управы лєну ест заосмотрене газдов в добре насіне по пониженой ціві.

На весну того року достали таке насіне воеводства краковске, львовске, любельске и мелецке, бо в тых воеводствах хоче правительство утворити осередкы продукции льняного волокна. Робит тото тому, што в Коросні находить ся прядильня и ткальня лєну. На тоты терены перезначено на весну 320 сотнаров метричных доборового насіня льняного походячого с полнечи, котре продавано ва половину ціны, бо другу половину и кошты транспорта покрьте с запомогы, уділеної правительством.

По одержаным информациям, лєн тот розвиул ся у нас може и ліпше, як на полнечи, бо вырос на 1,20 м, високо, при том отличат ся тым, што не розгалузят ся. Лєн місцевый вырастат звычайно до 50 см. и розгалузят ся сильно, через што має ся вправді веце насіня, але волокно ест значно горше.

В дакотрых околицях спостережено, што лєн полвочный знищила земна бльшка, котра не нищит в той мірі місцевого лєну. Поми-

мо того однак лєн полвочный дає значно больше волокна, як місцевый. Штобы однак предохранити ся перед том стратом, треба полвочный лєн сіяти якнайчасніше на весну.

Перед весном будучого року можна буде купити насіне полвочного лєну зас по пониженой ціві. Наши люди повинни скористати с той нагоды, бо на наших грунтах лєн вырастат и може дати большы доходы, як верно.

Сытны пашы належит давати живині сухы.

Наближат ся зима. Живина уж скоро перестане пасти ся и треба ю буде кормити. Кормиме звычайно живину соломом, сіном и окоповыма ростиныма. Коли маме за мало сіна, што у нас трафлят ся дост часте, треба конечно живині додавати паш сытных, як грис, макухы и т. п., бо иначе живина буде марніти. Пашы тоты сут переважно побочным продуктом промысловым, а в господар-

стві рольном маме их лєм часом в исключительных случаях. Так отже отрубы одержує ся в млынах при мелєню зерна, а макухы походять с оліярень при выдушаню с отвітного насіня олію. Газда звычайно купує тоты пашы. Але именно тому, што треба их купувати, не можна робити таких хыб, якы часто встрічат ся в наших господарствах.

Передовсем пашу сытну (отрубы, макухы) треба давати живині сухы по отвітном их роздробленю. Не можна забывати о том, же найважнішим складником тых паш, потребным конечно живині, ест білко. Тото білко в полученю с водом змінят свои свойства и не принесє сподіваной корєсти. Крім того пашу суху живина мусит добре ослинити, штобы ю гылтнути, а слина помагат в використаню пашы.

Ріжны пашы сытны мають ріжны свойства.

Одны с них домагают травлєню, другы зас сут тяжкостравны. Тому выстерігати ся треба одностайности в даваню живині пашы. Найліпше ест пашы мішати (отрубы с макухами) и давати мішанку, бо втотчас паша ест найліпше через живину використана.

Отвіт украинскому писаці.

В 20-том н-рі украинского „Нашого Лемка“ позволил собі якийсь украинский писака на статью п. т. „Ідєт собі на талергофськїм конику“. Писака тот удає дуже вченого и хоче своим мудрєством и знанєм истории похвалити ся перед нами. Однак, як ціла украинска история опєрта ест на брєхні и фалшу, так и агадана статья, то купа интрыг, брєхні, злобы и ненависти до вшиткого, што руске и што правдиве.

I.

Передовсем неправдом ест, што руснак або русин ест то само, што українец. Украинцом мы можеме назвати жителя краю Украины, такеамо, як называєме „галичанином“ жителя Галичины, вольняком—жителя Вольни, буковинцом—жителя Буковины. Але так само, як ніт народа галицкого, вольнского, ани буковинского, так само ніт и народа украинского, а ест лєм народ руский. Украинцы сфалшували историю Руси и называли руский народ украинцами, а тепер аж и нас лемков хотят тым именем окрестити.

Не отразу они до того пришли. Мы добре памятаєме ище тот час, як ище теперешни столбы Украины называли себе русинами, а о назві „українец“ им ани не сиило ся. Погодивше почали означати свою народность руско-украинском, потом украинско-руском, а в часі войны вырекли ся совсім назвы русской и начали называти ся украинцами. Цисар австрийский, Кароль, уйко украинцов, оголосил в часі світової войны, што в Галичині ніт руснаков (они втотчас были в Талергоф, прим. ред.), а сут лєм украинцы. От того часу украинцы ненавидят назву „русин“, „руский“, а всяди пхают назву „українец“.

В сфалшованю русской истории помагали украинцам німцы и австрийцы. Професорєви Михайлови Грушевскому Австрия прирєкла, што его зробит професором университета, як сфалшує историю Руси. И тот Грушевский поднял ся того диявольского діла. Он перекутил историчны факты и с истории Руси зробил историю Украины. Всі историкы світової учености высміяли историю Грушевского, яке сфалшованю, а Австрия казала тоту историю учити по школах. Днеска, крім

украинцов, том историсем никто не послугує ся, бо она перекручена.

Але кара Божя не минула так цисара Кароля за прєголошенє украинской народности в Австрии, як п. Михаила Грушевского за сфалшованє русской истории. Цисар Карель, як знаєме, помер в біді, а Грушевский гынє в голоді и нужді в большевицкїй тюрмі. Газеты писали, што совсім сєліп и стратил розум.

II.

Што украинцы сут зрадниками русского и словянского народа, ест незаперечным фактом. Они одны из всіх народов словянских пошли рука в руку с німцами против слован.

А знаєме, што німцы, то найбільши ворогы цілого словянетва. Они хотят стерти с лица землі словян и завладіти Европом. Передовсем хотят знищити Русь, а с ньом вшиткы словянскы народы. Большевизм в Росии,— то діло німецкой руки. Они, не могучи милитарно знищити Росию, спричинили в Росии революцию, а революция вытворила большевизм. И тому отвітному ворогви Руси пошли украинцы на елужбу. Со словянами воевали украинцы под командом німецком (Штраве, Вышиваный и инши). Циж не ясне, што украинцы суу зрадкжниками русского и словянского народа?

Коли в 1914 р. Митрополит Шептыцкий довідал ся о убийстві в Сараєві австрийского наслідника престола (он пребывал втотчас в Римі) с жальом и со слезами в очах выповіл тоты слова: „Наша, украинска справа програана“, Значит, згынул тот наслідник престола, котрый прирєк побудувати в Австрии Украину. Но митрополит помьлил ся, бо украинцы нашли собі в Австрии нового опекуна в особі цисара Кароля, котрому однак не удало ся Украины побудувати.

III.

Што Талергоф выдумали украинцы и што украинцы посылали русских лемков до Талергофа, ест также неоспоримым фактом, а жадне крутарєтє со стороны украинцов ту не

поможе. Пасаці с „Нашого Лемка“ радиме прочитати собі 4-томовый „Талергофский Альманах“ а найде в нем тысячи фактов, як то украинска интеллигенция, а передовсем учителя, священники и жандармы робили доносы на наших людей до административных и войсковых властей и пришили ся до их арестованя, розстрілюваня и вшаня. До самого грибовского Староства в серпні 1914. р. в продолженю одной неділі вплынуло 218 доносов, зроблених украинцами на рускых людей грибовского повіта. А килько их было в цілої Австриї за цілий час войны? В „Нашом Лемку“ пише писака, што тых доносов не треба складати на рахунок украинцов, лем на рахунок людей никчемных, подлых, якы сут всяди. В отвіт на тото радиме ему перечитати судовы акты обох политичных процесов во Відні в 1915 и 1916 р. (Акты находят ся у О. А. Раствецкого, пароха Линыны, коло Старого Самбова) а он переконат ся, што тымя подлыма и никчемныма людьми были всі украинскы послы с Галичины и Буковины, а послы-то представителі народа. Украинцы, ачали кога выбирати послами и послы, завоззяны, яко свідки перед суд, выповідали мніне цілого народа. С тых актов довідат ся автор дописи в „Нашом Лемку“ до якого запліпленя дошла мазепинска дянь. Свідчат о том также статі Д-ва Л. Маркова, Д-ва Ивана Андрука, Д-ва Александра Хильяка, Д-ва Вас. Ваврика, печатаны в ріжных рускых газетах о украинскых подвигах в часі світової войны. Жерева тоти показуют найліпше каинову роботу украинску. Всім відомо, хто спричинил арестованя и розстріляне покойных Сандовичей, хто выдал австрийским властям списе всіх рускых священников, хто спричинил арестованя розстріл и вшаня тысячей лемков.

Я лумам, што на тото вшитко автор дописи в „Нашом Лемку“ не буде жадати поданя назвиск, а если заждат, то му их подаме. А ци украинска политична комиссия в Грацу, котра была покликана по те, штобы людей с Талергоф освободжати и котра вмісто нести помоч тым нещастникам, увеличила лем их муки, (ня их доносы наших яудей замыкано по „айнцлях“ и привязовано до столбов) те также по мніню автора лем никчемны и подлы единицы, не маючи нич общего с украинцами? Таж в склад той комисии входили найвиднійши украинскы послы и политичны. Ци и тых украинскых священников, котры отказуют в посвяченю талергофских квестов-памятников и доведат до небывалых соблазняющих авантур (нпр. Качмар, Голинський и др.) также автор уважат за неукраинцов, лем за подлых и никчемных?

И знаючи тоти вшиткы « много, много инших фактов, автор статі в „Нашом Лемку“ ест так безличный, што важит ся заперечати тоту неоспориму правду и твердити, што рускыкы высылалы украинцов до Талергоф.

Так брехати може лем украинский писака! Ваньо Кыянка.

Рады для тых, котры ховают кроликов

С посеред ріжных пород кроликов найліпше надают ся у нас до хову кроликов великы, білої, синявої або бурой масти. Их скоры маюť найвышшу ціну, бо надают ся добре до фарбованя, натоміст скоры кроликов сорокатых маюť ціну низку.

До расплода треба выбирати штвкы здоровы, добре откормлены и сильны. Не уживати до расплода штвк молодых, котры не маюť найменше 8—10 місяцов. Кролики жиют около 8 літ, але найсильнійше множат ся до 3 літ. В том віку они множат ся сильно и тото их свойство, а также и тото, што они ростут скоро, звоочуе людей до хованя кроликов. Самица кролика носит 30 лней, а кормит молоды около 6—8 неділь. Уж в килька дней по выкоті може она быти зас поккрыта и так число выкотов в одном році може быти язначне. Не повинне однак допускати ся до занадто частых выкотов, бо в таких случаях кролики выраджают ся. Розумный гавда вдовалят ся 3—4. выкотами рочно и уважат на тото, штобы кролики размножали ся лем на весну, в літі и вчасной осени. С того видно, што самы треба тримати отдільно от самок и самкы впушати до самца лем втотчас, коли хочеме, штобы были поккрыты и по поккрытю забрати их на попередне місце.

Кролики родят ся голы и маюť замкнены очи. По килькох днях поккрываюť ся серсьом, а по 10—12 днях отворяют очи. Самка дае 4—6, часом 12 и веце штвк молодых. Не треба однак больше, як 6 штвк липати, бо иначе будут они марны и але откормлены. Молоды оставити при самичці 6—8 неділь, потом помістити в отдільной загороді. По отлученю можна дати самичку до поккрытя.

Корм для кроликов. Ховати кролики оплачат ся, бо они ідят вшитко: буряк, траву, ярины, овочи, листе, галузи дерев и кряког, насіне и всякы отпадкы. Кролики сут жарлокы, часто ідят за дуже и хворіют, тому не треба давати им дуже ростни, котры выкликують вздуते, як н. пр. листе капустаны, бурачанка, салата, зелена фасоля и подобны. Найздоровышым кормом ест свіжа трава и сіно. Яко присмак даеме им всяке хабазе о горнавом або остром смаку, як листе хрїну, дику цикорию, допух, листе и галузкы вербы, трепеты, дуба, березы, липы, ліщини, срябины, яблони, акации и инши. Трующима для кроликов сут: мак, волче молоко, яскры и вшиткы тоты ростины, котры маюť в собі пекучи соку. Шюдят им также суровы картофлі. С окоповых найрадше ідят морков и буракы, меньше радо карпелі и ріпу. Треба им также додавати кус овса, ячменя, пшениных отруб, макухов и хліба. Любят они также ростины с запахом, як кмни, копер, петрушкы, мяту и т. п.

Літом при траві додаеме им овес и отруб, а в зимі при сіні кромі того также и ростины окоповы. Кошт хову кролика ест невеликий, бо по обчисленям с одного морга можна выховати 600 кроликов рочно, а доходы значны, бо мясе кролика ест смачне и адрове, а за скоры тепер платят дост добре.

Лемковска пісня.

Уж-ем поорал тото полечко раз,
Миленька вышла, істи вынесла и счестя
рекла перший раз.

Витай миленька, витай здравенька раз,
Тяжко-м поорал, легче-м посіал,
Косити буду легче зас.

Уж-ем покосил и домя звозил раз,
Карта мі пришла, до войска-м пошол,
Мила плакала за мною бар.

Не плач миленька, не плач красенька раз,
Войско выслужу и домя верну,
Газдовац буду ище зас.

Я-м домя вернул, женити ся хчу раз,
Дівчата шварны страшно парадны,
Жадна мя не хце, реку раз.

Дівчатко шварне, не будь парадне раз,
Подай рученьку, та погвариме
И добре буде дальше зас.

Собрал Иван Верона

член читальні в Крыниці.

ОБЪЯВЛЕНЕ

В неділю, дня 11. падолиста 1934. о год. 1. в полудне отбуде ся в салі читальні им. М. Качковского в Щавнику, новосандецкого повіта собрание по ділу отккрытя руского кооператыва.

Правлене читальні.

В неділю, дня 11. падолиста 1934. о год. 4. во полудни отбуде ся в домі г-на Луки Крайняка в Злопком—новосандецкого повіта Обще Собрание членов читальні им. М. Качковского и собрание по ділу отккрытя руского кооператыва.

Правлене чит.

Коммунальна Каса Ошадности в Крыниці

принимат вклады и платит высокий процент. Уділят также пожичок на добрых человах!

Поміщайте ологодженя в газеті «Лемко». Кто хце прислужитися нашой газеті, нехай зберат оголошеня с міст и сел повітов Леско, Сяноч Кресно, Ясно, Герлицы и Невшій, Сич.

Што чути в світі.

Во Франції безробітні урядили демонстраційний похід. До похода прилучилися комуністи. Безробітні мають власну організаційну службу, котра дбає о порядок і старат ся о поживу. Учасники похода дошли спокійно до міста Лиль.

В Іспанії уж опанована революція. Мала ема перебіг острый, бо в боях в Астурії уживано пулеметы, арматы и аеропляны, котры бомбовыми атаками розганяли групи революціоністів.

На Полночному Морі загинув малий шведський корабель, маючи на палубі 14 люда. Над берегом моря найдено 12 утоплених людеи. Припускають, што то жертвы затопленого корабля.

В Калифорнії было трясенє землі, котре вырядило великы шкоды и потягло за собом жертвы в людах. Згинуло 6 люда. Много отнесло раны. Шкоды выносят около 150 миллионів долларів.

В Америкі ловит 3.500 полиціантов одного бандыта Флойда. Бандыт має 37 літ и занимає ся выкраданєм дітей богачей, за котры каже собі складати окуп. В продовженю 3 послідних літ вымусил он 300.000 долларів. До того часу его не поймано.

500 мішків кавы присылат Бразылія до Польщі для людеи потерпівших от наводненя.

Станіславовску желізно-дорожню дирекцію зносят и сїть жел.-дорожню належачу до тепер до Станіславава, прилучают до дирекції львовской.

В Румынії напали бандыты на поїзд и обрабовали людеи. Коли появила ся жандармерія, не было уж ани сліда по бандытах.

В Герлицях на торгу арестовано Томаша Трыбуса, котрый куповал бараны за подроблены 10 злотовы.

До Мексыка не будут давати паспортов е Польщі, бо там мають не впускати жителів с Середновсходних держав Европы. Заказ тот выдане прето, бо наши люды не могут привыкнути до тамтого климата и мрут скоро.

В Крижовці, коло Криниць цыган Данык Сивак ходил до Марии Батог и змушав ее над сиротом 12 літнім Марієм Сивак в тот спосіб што привязовал ю до стіны, а ноги окручал ланцюгом, котрого другий конец розгрівав в огню так сильно, што припекал ей ноги, уда и брїх. Цыганом-звїром заняла ся полиція.

Добесідовали ся.

(На торгу в Любовні).

Жид: Як ся має Ванічку?

Глухий: Та мам когута в кошичку.

Жид: Як ся має ваша жена?

Глухий: Та те когут, не верона.

Жид: Як ся мають ваши діти?

Глухий: Має звязаны крыльє,—не вылетит.

Жид: Глупый вы Ванічку!

Глухий: Продам, та продам, а ні, то понесу домоу в кошичку.

Ніт злодієв.

Оден високий урядник был на польованю на селі. Стоячи в лісі узрїл бабу, збераючи лежанину. Подходить до ней и пытає ся:

Не, што там бабусь чути на селі?

Та нич таке—пане, біда тай тильо.

А злодіи сут в селі?

Были, пане, были, го. го! Але тепер уж ніт.

А што ся с нима стало? пытає ся утішений урядник.

Та... одны роботають в Касі Хорых, другы в Магістраті, инши ище деси инде, а у нас, пане, ніт уж злодієв, ні, ні.

Обще Собрание

членов Общества „Руска Бурса в Горлицях“ отбуде ся в четверг 8. падолиста 1934 р. о год. 10-той в власном домі со слідуячом програмом два:

1. открыте Общего Собрания и выбор председателя,

2. отчитане и принятие протокола послідн. Общ. Собр.

3. доклад о деятельности и кассовые справоздания,

4. доклад контрольной комиссии,

5. дискуссия над докладами и удінене уступачоному выдїлу абсолютории,

6. принятие нового статута Общества,

7. выбор нового выдїла и контрольной комиссии,

8. внесенє в запросы членов.

9. закрыте Общего Собрания.

Если в означеном часі не явит ся требуемє статутом число членов, то слідуячє Обще Собрание отбуде ся о 11 год. того самого дня и с том самого програмом.

В ы д і л.



Приїзджайте на забаву!

Дня 3. падолиста отбуде ся в Крыницьі в еалі „Багателі“ при ул. Крашевского забава с танцами. Много розличного рода милых несподіванок. Буфет дешевый и добре заосмотреный. Паньятам ручиме, што не будут петрушковати, хлопцы найдут великий выбор красавиц — вшиткы будут довольны.

Вступ лем за оказанем запрошеня.

Найліпше и найдешевше

може каждый фурман заосмотрити ся в потребный для себе товар як овес, сіно, січку смары, подковы, клинцы в своем русском „Фурманском Кооперативі“, котрый находит ся в Крыницьі Здрою в домі г. Назара Громосяна

коло різнї.

СТРАШНЫЙ ГОЛОД В КИТАЮ.

В послідстві домашной войны и ріжных бід в Кытаю обял голод 14 провинции, в котрых живе 100 миллионів народа. По информации, проходячим из жерел кытайских умерло там в продовженю 3 місяцов 2 миллионы людеи. Преса кытайска домагат ся безотложной помочи для голодующих.

ПОНИЖЕНЄ ЦІНЫ ЦУКРУ, ДУГАНУ И ЦЫГАРЕТОК.

Ціну цукру, котра до тепер выносила 1.35 зл. за 1 кг. понижело. В подробной продажї ціна цукру має выносити 1.25 зл. за 1 кг.

Таксамо в найблизших днях аст сподіванє значне понижєнє цін монопольовых выробов—цыгареток и дугану. Доровши сорты подешевіют о 20%, середни и планши о 1 грош на штуці. Будут также введены новы гатункы цыгареток в ціні 2—4 грошей.

СОЙМ МАЄ БЫТИ СКЛИКАНЫЙ НА ДЕНЬ 6. ПАДОЛИСТА.

Предсідатель рады министров Д-р Козловский має дня 31 жолтня выголосити перед микрофоном Польского Радио промову, в котрой представит програму сесии парламентарной и повідомит о переведеных правительством работах.

В том самом часі має быти оголошеный декрет Презыдента Р.ч.п. о скликаню сойма и сената. Сподівают ся, што перше засіданє сойма отбуде ся 6. падолиста.

ВАЖНЕ!!

Телеграма.

Апостольский Визытатор во Львові.

Святїйший Отец вислал до Польщи О. Іоанна Гудечка, генерального консултатора О. О. Редемптористов и члена св. Конгрегации pro Ecclesia Orientali, в характері Апостольского Визытатора. О. Гудечко має порученє звизытовати всі три гр. кат. епархии, а особливо перемишльску и удостовірити конечность основаня лемковской епархии, от якої епископ Коцыловский руками и ногами боронит ся. Най же Лемкы не занедбают так важной оказии, а най безпроволочно zorganizуют делегацию, котра бы вірно представила Отцу Визытатору религийне состояние Лемковщины и поставила свои постулаты в напрямі основаня лемковского епископства! В состав делегации должны звойти отвітны люды. Справа барз пильна и барз важна, бо о. Гудечко перед килькома днями приїхал до Львова и розпочал уж визытацию, а не знати як долго он в Польщі забавит.

Ваньо Кыянка.